

SIORARSIORFIK

NUNAMI ILLOQARFIK, ILLOQARFIMMI NUNA

ILUSILERSUINERMI NAJOQQUTASSAQ SAQQUMMIUSSAQ SIULLEQ



Kommuneqarfik Sermersooq
Septembari 2017



SIULEQUT

Siorarsiorfik pillugu ilusilersuinermi najoqqutassaq sakkussaavoq Si-orarsiorfimmi Nuummilu immikkoortut ineriartortinnissaannut piler-saarusionermit ilusilersuinernullu atatillugu atugassaq.

Una saqqummiussaq siulliuvoq, ilusilersuinermilu najoqqutassap nutartertuarnissaa siunertaavoq Kommuneqarfik Sermersuumillu suliarineqartassalluni. Ilusilersuinermi najoqqutassaq allanngorarsinnaavoq, tassa imaappoq, illoqarfiup ilaani nutaami allanngortoqarnerani niuernermilu piumaneqartut tunngavigalugit allanngortoqarsinnaavoq.

Saqqummiussaq siulleq una Kommuneqarfik Sermersuunit Nordic-Office of Architecture suleqatigalugu suliarineqarpoq.





IMARISAI

| | | |
|-----------|---|-----------|
| 01 | Ilisarititsineq <ul style="list-style-type: none">- Siunertaa ilitsersuullu- Suliarineqarnera ilusilersuinerlu- Taaguutitut nassuiaat | 6 |
| 02 | Ilusilersuinerlut tunngasoq <ul style="list-style-type: none">- Pingaarnertut isumassarsiaq pilersaarusiarsuullu najoqqutassartaa- Piujartitsineq- Pilersaarusiornermi tunngavik- Nunap qaani silaannaq | 12 |
| 03 | Nunataa aamma Ukiukkut nunataa <ul style="list-style-type: none">- Nunaminertat sanaartorfigeqqusaanngitsut- Pilersaarut tungujortoq | 16 |
| 04 | Attaveqaatit <ul style="list-style-type: none">- Aqqusineq pingaarneq, illoqarfimmi aqqusineq aamma inissiat akornanni aqqusineq- Uninngasarfiit- Aqqusineeqqat- Atortut- Eqqagassat | 20 |
| 05 | Sanaartukkat <ul style="list-style-type: none">- Atorneqarnera- Inuinnaat killeqarfii, ataatsimoorfiit killeqarfii, tamat killeqarfii silamilu illoqannginnersaqarfii- Ammasumi pukkitsumilu inissialiat- Eqikkarlugit pukkitsumi sanaartorneq- Quleriinnik sanaartorneq- Inissiaqarfinni nunaminertat sanaartorfiunngitsut- Qaamaneq, alanngortat isikkivillu- Najugaqarfii portussutsillu | 24 |
| 06 | Inissialiat isikkui <ul style="list-style-type: none">- Illup silataatut atortut- Aneersaartarfii- Illup qaavi- Sukarsuit toqqaviillu | 32 |
| 07 | Illoqannginnersat - tunngaviit <ul style="list-style-type: none">- Illoqannginnersani pequtit- Qaamaneqarnermut tunngaviit- Naasulersuineq | 36 |
| 08 | Eqqumiitsuliat | 42 |

01

ILISARITITSINEQ

Siunertaa ilitsersuullu
Suliarineqarnera ilusilersuinerlu
Taaguutinut nassuiaat



SIUNERTAA ILITSERSUULLU

Ilusilersuinermi najoqqutassap pingaarnertut siunertaraa, Nuuk City Developmentip, aamma NCD-mik taaneqartartup, ineriartortinnerata pitsaassusaa qaffassissoq qulakkeerneqassasoq, aammattaq uppersaasatit atorneqarsinnaassaaq Nuummi aammalu NCD-p iluani immikkoortut ilaat pillugit kommunimut pilersaarummut tapiliussanut allanut pingaarnertut ilusilersuissuussalluni.

Ilusilersuinermi najoqqutassami assersuutit innersuussinerillu atorlugit pilersaarusiarsuup qanoq piviusunngortinnissaanut nasuiaatigineqassapput. Taamaattumik illussanik titartaasartunut, ingeniorinut aamma Siorarsiorfiup piviusunngortinnissaanut politikkikkut anguniakkanik tamanik qulakkeerninnissamut sullissisunut sakkussaassaaq pingaarutilik.

Ilusilersuinermi najoqqutassaq naapertorlugu nunatami sanaartugassat attaveqarnerlu qanoq suliarineqassanersut assersuuteqassaaq, aamma sanaartukkani attaveqarnernilu nunataq qanoq ilanngunneqassanersoq assersuusiarineqassalluni. Ilusilersuinermi najoqqutassartaq naapertorlugu illoqarfimmik inerisaanermi ilusilersuinikkut suliniutissat pisariaqartut pillugit takussutissaqassalluni.

SULIARINEQARNERA ILUSILERSUINERLU

Ilusilersuinermi najoqqutassaq tamakkiisumik immikkoortunut illoqarfiup pilersaarusiornernanut tamanut takussutissartaqarpoq, Kommuneqarfik Sermersuullu illoqarfiit pingaarnersaat pillugu periaasissamik illuliortaatsimullu politikkimik aallaaveqarluni, ilaatigut taakku marluk Siorarsiorfik pillugu pilersaarusiornermik periusissioinnikkut / takorluugaqarnikkut aallartitsissutaasut.

Tamatuma saniatigut ilusilersuinermi najoqqutassami Naalagaaffiit Peqatigiit piujuartitsinermit anguniagai takutinneqarput, ilaatigut nunani tamalaani takorluugaq siammarterniarlugu qulequttallu pingaarutilik aallutariniarlugit.

Illoqarfiit pingaarnersaat pillugu periaasissat

Nuummi ineriartornerup siuarsarneqarnissaa Nunanilu Issittuni illoqarfiit pingaarnersaattut illoqarfik nunani tamalaani maluginiarneqarnerulissasoq kommunalbestyrelsimit takorluugaavoq. Aqqutit marluk aallaavigalugit periusissiaq oqariartuuteqarpoq. Inuit ineriartornissaannut tunngasoq, aamma aningaasaqarnikkut siuariartornermut tunngasoq.

Inuit ineriartornissaanut tunngatillugu inissiaqarnikkut, illoqann-ginnerisaqarnikkut ilinniartitaanikkullu silarsuup sinnerani atorlunarneqarsinnaasunik kiisalu eqqumiitsuliornerup, kulturip timer-sornerullu iluini neqerooruteqarnikkut pitsaasunik peqarnissaa siunertaavoq.

Aningaasatigut siariartornissami pineqarpoq, illoqarfimmi piujuartitsilluni pilersaarusiornikkut inuussutissarsiutinik malleruagassatigut annertusaanissaq qulakkeerneqassasoq kaammattuisoqassasorlu, aammalu takornariaqarneq, aalisarneq aatsitassarsiornermi immikkut aallutarineqassallutik.

Illuliortaatsimut politikki

Illuliortaatsimut politikkeqarnermi kommunalbestyrelsip anguniar-paa, illuliortaatsikkut kusanartuliat naleqarluartut immikkularissullu atugarilernissaat, naleqartitat pioereersut attatiin-sallugit nukittorsarlugillu, aamma illut atortuusiviillu pitsaasut,

atorsinnaalluartut kusanartullu sanaartorneqarnissaat. Taamaaliortoqarsinnaavorlu illussanik titartakkat kinaassusilimmik tunngaveqartumik pilersitsinikkut, ilaatigut illut, illoqann-ginner-sat inuunermilu pitsaassuseq qitiutillugit, aammalu sumiiffiit aallaaviguarnissaat nunalu sanaartorfigisaq aallaaviguarnissaa.

Naalagaaffiit Peqatigiit nunarsuaq tamakkerlugu anguniagaat

Naalagaaffiit Peqatigiit anguniagaat sukumiisut 17-iupput anguniakkullu ilaat immikkoortut 169-iullutik, taakkulu aallaavigalugit nunarsuaq tamakkerlugu piitsuunerup perlernerullu piujunnaartinnissaanut Naalagaaffiit Peqatigiinnut ilaasortat 193-iusut tamarmiullutik imminnut pisussaattipput malissallugit, aamma anguniagaapput naligiinnginnerit annikillisinneqarnissaat, ilinniakkat pitsaasut qulakkeernissaat kikkulluunniit peqqinernerulernissaat, suliffiit tamatigoortuunissaat aningaasatigullu siuarneriartornermi piujuartitsinissaq. Peqatigisaanillu nunarsuarmi eqqissisoqarnissaanik isumannaatsuunissaanillu ingerlatsiviillu nukittunissaannik kiisalu nunat tamalaat akornanni suleqatigiinnik nukittorsaanissamik siunertaqarput. Taamaattumik siunniussani taakkunani nutaani ataqpineqarput inuleringeq, aningaasaqarneq, avatangiisinilu ineriartortitsineq, eqqissineq isumannaatsuunerlu aamma nunat tamalaat akornanni suleqatigiinneq ataqatigiilluarnerat, kiisalu ineriartornermi inernernit attanneqarsinnaasut anguniarlugit akulerutsitsilluni iliuseqartoqartariaqartoq. Anguniakkat sukumiisut 17-it titartagaliornikkut ilusilersugaapput, taakkulu ilusilersuinermi najoqqutassami-pput silarsuaq tamakkerlugu anguniagaqarnermi pissusissamisut ingerlanneqarsinnaasuni.

Immikkoortut tamarmik siunertaqarlutik, isumaliutissanik tunuli-aqutaqarlutik piunarsaqarlutillu pippit. Immikkoortut amerlanerpaat assersuutitinnik tunngavinnillu ilaatigut diagrammit inner-suussutillu aqqutigalugit ilusilersukkanik ilassuteqarput.

Immikkoortoq siulleq pilersaarummut tunngatillugu ilusilersu-inikkut takorluukkamut tunngasuvoq, tassaniippullu pingaarnertut isumarsiat aammalu immikkoortunik inerisaanissamut siunniussatut najoqqutassiat. Immikkoortut tulluuttut tunngav-usunut tunngatinneqarput, soorlu attaveqarnermut, sanaartugassat annertussianut, suussutsinut aamma atortunik qanoq ittunik atuinissanut tunngasuullutik.

ILLULIORTAATSIMUT POLITIKKI

– kommunimi illoqarfinni nunaqarfni iluliortaatsimi pisaassutsit naleqartillu qulakkeerqamissannut nukittorsarneqamissannullu sakkussaq




NUUK - ISSITTUMI ILLOQARFIIT PINGAARNERSAAT
 Illoqarfii pingaarnersaat pillugu periaassisq



Tak. 1 - Kommuneqarfik Sermersuup Illuliortaatsimut politikkaa aammalu Illoqarfii pingaarnersaat pillugu periaassisq, kiisalu Naalagaaffiit Peqatigiit nunarsuarmiut anguniagaat

TAAGUUTIT NASSUIARNERAT

Qinngorput aamma Siorarsiorfik pillugit NCD-mut pilersaarusiaq immikkoortut ilaannik arlalinnik peqarpoq, taakkulu illoqarfiup ilaata nutaap pingaarnertut ilusilersornerata pilersaarusiansuanut diagrammiliamik ilusilersugaavoq.



Tak. 2- Pingaarnertut ilusilersukkap titartagartalersorlugu pilersaarusiarsuarta

02

ILUSILERSUINERMUT TUNNGASOQ

Pingaarnertut isumassarsiaq pilersaarusiarsuullu najoqqutassartaa
Piujuartitsineq
Pilersaarusiornermi tunngavik
Nunap qaani silaannaq

NAALAGAAFFIIT PEQATIGIIT NUNARSUAQ TAMAKKERLUGU ANGUNIAGAAT



Siorarsiorfimmi nukissiuteqarneq piujuartitsinermit aallaaveqassasoq anguniagaavoq, soorlu erngup nukinganik innaallagissiorfik, seqinisaatit assigisaallu. Nukissiorfiit qanimut suleqatigalugit tamanna pissaaq.



Siorarsiorfik illoqarfiup sinneranut biilnut aqqusineqarnikkut pisuinaallu aqquteqarneratigut, kiisalu tamat angallatitut atorsinnaasaatigut aqqusineqarluarneratigut qanimut attaveqarluassaaq. Illoqarfiup sinneratulli telemut attaveqaatai assigiissapput.



Siorarsiorfik kikkunnilluunniit najugaqarfigineqarsinnaanngorlugu ineriartortinneqassaaq, inissiaqassaaq angissutsimigut assigiinngitsunik tamallu tikissinnaasaat illoqannginnersat piussapput. Illoqarfiup ilaani nunarsuaq tamakkerlugu siunnerfiit atorineqassapput, ilaatigut nukissatigut sunniutinik attaveqarnermillu pitsaasumik qulakkeerinnikkut.



Siorarsiorfik sumiiffiup nunataanut naleqqussarneqassaaq taamaalillunimi illoqarfiup ilaa silaannaap allanngoriartorerata malitsigisaanik ajoquseratarsinnaanerit qulakkeerneqassammata.



Siorarsiorfimmi illoqannginnersat arlaqarput, taakkunaniipullu pingortitaq suliarineqanngitsoq taamaalilluni immikkoortup qanoq ittuunera ataqineqassaaq.

ILLULIORTAATSIMUT POLITIKKI



Illut nutaat illoqannginnersallu oqaluttuarisaanitsinnik pisuunnguallatsitsinissamik toqqammaveqassasut



Inoqarfiit pilersarusiorfigineri ineriartortitsiffiginerilu inoqarfiit ilisarnaataannik toqqammaveqassasut



Illoqarfitta nunaqarfittalu tamatigoortuulernissaat, pitsaasunik toqqissisi-manartunillu kikkunnilluunniit atuuttunik illoqannginnersaqarnissaq



Illut sanaartukkallu nutaat sumiiffiup pitsaassusiinik qaffassaasuunissaat, piffissaq atuuttoq eqqumaffigineqassasoq, piffissarlu qaangiutereersoq siunissamilu pisussat ataqineqassasut

ILLOQARFIIT PINGAARNERSAAT PILLUGU PILERSAARUT

- Siorarsiorfik meeqqanut, inersimasunut utoqqarnullu sammisassaqqarfulluurtutut inissisimassaaq.
- Siorarsiorfimiippoq inuussutissarsiuteqarnissamut pilerinartog.
- Illoqarfik maligassaq imminut akilersinnaasumik ingerlasog.

ILUSILERSUINERMUT TUNNGASOQ

PINGAARNERTUT ISUMASSARSIAQ PILERSAARUSIAR-SUULLU NAJOQQUTASSARTAA

NCD pillugu pilersaarusiarsuarmi pingaarnertut siunertaavoq, illoqarfiup ilaa pilerinartoq illoqarfik eqikkarsimasooq nunami pinngortitami attorneqarsimanngitsutut inissisimasumi illoqannginnersaqarfitalimmik uummaarissumik pilersissallugu. Taamaaliortoqassaarlu sanaartukkat annikitsukkuutaat pilersinneratigut, illuliat assigiinngitsut qulakkeernerisigut, kiisalu pinngortitap sanaartukkallu eqqarsaatigillu arnerisigut.

Qinngutsinni Siorarsiorfimmilu ineriartortitsiffissatut takorluukkat piujuartussatut ineriartortinnissaat, sumiiffimmi nunap ilusa malillugu, nuna malunnartunngortillugu, pinngortitami innera orniginarneralu. Illoqarfiup immikkoortortaani nunap isikkua illoqarfillu atalissapput, sammisassat nunami innissarlu inissaqartinneqarlutik tassani toqqissisimasumik inuuneq, ataatsimoorneq atugarissaarnerlu atorlugit, eqimattakkaanut najugaqalersunut nutaanut Nuummut Issittumi illoqarfiit pingaarnersaannut nuuttunut inuunerup pitsaassusaanik pilersitsissalluni.

Toqqissisimanartunik avatangiiseqarluni, meeqqeriveqarluni, pisiniarfeqarluni inuussutissarsiutinillu ingerlatsilluartoqarluni inissiat pitsaasut pilersinneqartarput illoqarfik illoqarfillu ilaa ingerlalluaraangat. Taamaattumik Nuummi suliffeqarfinnik nutaanik ineriartortitsinissamut pilersitsinissamullu malittarisassat pilernartut neqeroortigineqarsinnaasariaqarput.

IMMINUT AKILERSINNAASUMIK INERIARTORTITSINEQ

Pilersaarusiarsuugallartoq tunngavigalugu NCD-mut pilersaarumi ineriartortitsinissamut immikkoortut suliarineqarput.

Siunnersuutigineqartumi immikkoortumut pilersaarusiarsuaq takorluugaqarluartoq naapertorlugu inissiat sananeqarsinnaasut assigiinngisitaartut nunaannarmi pinnersumi kusanaqqissaamik inississorneqarsimasut ersersinneqarput, aqqusinernit nunakut assigiinngitsumik qatsissusilitsigut tikinneqarsinnaasut. Pilersaarusiarsuaq naapertorlugu illoqarfiup ilaa nutaaq allanngorartulik pinngortitamut, qaqqanut, kuunnut, naasunut isikiveqarnermullu naleqqussagaq ulluklut qaamasarnera anorilu eqqarsaatigalugit inissisimalluartoq titartarnejarpoq.

PILERSAARUSIORNERMI TUNNGAVIK

Inissiat tamarmik imaanut isikkiveqartussaapput, inissisimaneerilu naapertorlugit silami illut akornanni illoqannginnersat ataatsimoorfiussallutik. Siorarsiorfimmilu illoqarfiup immikkoortortaata qeqqa, umiarsualiviup eqqaani illoqannginnersamiippoq tassanga imaq aamma Nuup illoqarfia takuneqarsinnaalluni. Illoqannginnersaq pinngortitamut imaanullu qanittuararsuuvoq, illoqarfik pinngortitarlu ataqatigiipput nunallu assigiinngitsumik ilusillip, pinngortitap inissiallu ataqatigiinnerat naleqqussakkamik inissimasut sumiiffimmut ataqqinnippalaartumik pitsaassuseqartoq illoqannginnersaqarfiuvoq.

Illoqannginnersaq illoqarfiup ilaani innuttaasut qaqqamullu pisuttuarniarlutik aqqusaartortartut nalinginnaasumik naapitartfigissavaat. Sumiiffimmi illut tassaapput atuarfik sunngiffimmi ornittagalik aamma meeqqeriviit, niuertarfissuaq, pisiniarfiit, inissiat inuussutissarsiuteqarnermilu illut, atuuffiit ulloq unnuarlu uummaarissuunissamik sammisassaqaqarnissamillu qulakkeerinittussat.


NUNAP QAANI SILAANNAQ

Illoqarfimmik inerisaanermi piujuartitsinermi nunap qaani silaannaq pimoorussassaavoq. Illoqarfiup immikkoortuisa ilaat ukioq kaajallallugu ajornaquteqanngitsumik sumiiffigisinnaanissaat siunertaavoq. Anorimut oqquisinnaaneq pitsaassuuvoq, imaluunniit illup ilusilersugaaneratigut anori aqqusaartiinnarneqarsinnaavoq. Inissiaqarfiillu ilusilersorneqarnerini torsuusat anorimut sakkortusaataasinnaammata pinngitsoortinniarneqassapput. Taamaattumik immikkoortut ilaanni nutaani aqqissuussaaneermi anorip sammivii immikkut eqqarsaatigineqassapput.

Ulluklut qaamanera eqqarsaatigalugu, illoqarfimmuut pilersaarutit ima aqqissuunneqassapput aqqinneqassallutillu, inissiat seqerngup qinngorneranit qaamaneqarluartumiissapput illoqannginnersallu alanngortaniinnatik.

Apisarnera aputillu aattulerneru pilersaarusiornermi isumagineqarluarsimassapput. Aputaajaasarneq nalinginnaasumik aporfiumngitsumik ingerlanneqartussaassaaq. Attaveqarnerup pilersaarusiornereani apusinernik inissaqartitsisoqassaaq aamma aqquserngit aputaajarnissaat periarfissaaniassamat aqquserngit sinerlugit kussineqarnissaannut piumasaqaatitaqassaaq. Illoqarfiup ilaani nutaani siallertarnera aputillu aattulerneru eqqarsaatigalugit periusissiatut pilersaarummut iluarsisutitut ilanngunneqassapput. Siullermik pitsaasumik isumannaatsumillu iluarsisoqassaaq, aammali illoqannginnersani ermup nalinginnaasumik kuuttarnera atorluarneqassalluni. Kuuit pioreersut attanneqassapput ilusilersukkallu kusanartularineqarneratigut saqqumitinneqarlussallutik, taamaalillutik illoqarfiup ilaatigut nalinginnaasumik immikkoortuuniassammata.

ANORIP SAMMIVIATA ASSERSORNERA



Tak. 3- Sanaartugassat inissisimaffii eqqarsaatigalugit, inissiat qaamanermiilluarnissaat qulakkeerneqassaaq aamma sanaartukkatigut inissiat illoqarfimmilu avatangiiseqarnermi nunap qaava silaannaqarlussalluni.



Tak. 4- Sanaartukkat nunap ilusaanut tunnganeri.



Tak. 5- Illoqannginersat nunap ilusaanut tunnganeri.



Tak. 6- Illut akornisigut silami ataatsimoorfiit.

03

NUNATAA AAMMA UKIUKKUT NUNATAA

Nunaminertat sanaartorfigeqqusaanngitsut
Pilersaarut tungujortoq

NAALAGAAFFIIT PEQATIGIIT NUNARSUAQ TAMAKKERLUGU ANGUNIAGAAT




Siorarsiorfik illoqarfiussaaq nunap ilusaanut naapertuulluinnartoq taamaalilluni inooriaaseqarnikkut nappaatit takkussinnaasut pinaveer-simatinneqarsinnaapput.



Siorarsiorfik nukissiuteqassaaq piujuartitsinermik ingerlanneqartoq



Illoqarfiup ilaa illoqarfiup ungataatungaani lu pinngortitap akornanni atassutaassaaq.



Silaannaap allangoriartorneranit kingunerisassaasa pinaveersaarnis-saannut nunap ilusaata attanneratigut anguniarneqassaaq. Masarluit attanneqassapput, taamaattummi aattulerneranit imeq il.il. milluar-tarmagit.



Nunaminertat sanaartorfiunngitsut sapinngisamik pissusissamisut iinnas-sapput uumassuseqarnera pitsaasoq qulakkeerneqassammat.

ILLULIORTAATSIMUT POLITIKKI



Illut sanaartukkallu nutaat sumiiffiup pitsaassusiinik qaffassaasuunissaat, piffissaq atuuttoq eqqumaffiqeqassasoq, piffissarlu qaangiutereersoq siunissamilu pisussat ataqineqassasut



Nunap ilusaa pioresoq sumiiffimmilu silaannaa aallaavigalugit pilersaarusiortoqartassasoq, sanaartortoqartassasoq atortulersuisoqartassas-orlu

ILLOQARFIIT PINGAARNERSAAT PILLUGU PILERSAARUT

- Nuup eqqaani kangerluit nunallu ineriartortinneqassapput illoqarfimmillu inerisaaner-mut ilanngussuunneqassallutik.
- Kangerluit nunalu illoqarfimmi innuttaasunut takornarianullu sulii pilerinarninngussap-put tikikkuminarninngorlutillu.
- Ineriartortitsineq illersuinerlu oqimaaqatigiissapput.

NUNATAA AAMMA UKIUKKUT NUNATAA

NUNAMINERTAT SANAARTOOFIGEQQUSAANGITSUT

Illoqarfimmik ineriartortitsinermut suliniummi NCD-mi isuma tunngaviusoq tassaavoq, nunap ilusaa aallaavigalugu sumi sanaartortoqassasoq aalajangerneqartassasoq, sumiiffimmi misigisassat aamma aneerfissat naleqartinneqartut piussapput - ajornanngippat - pitsaanerulersinneqarlutik. Taaguut Nunap ilusaani una pivarput, aasaanerani nunap ilusaa aallaavigalugu suna tamarmi ersersinneqartartoq ukiukkullu nunap ilusaa aallaavigalugu silami taartumi qaartuinnarmik matuneqartarluni.

Illut akornini nunaminertat sanaartorfiunngitsut pingaarnertut inuit namminneq qanorluunniit atorsinnaavaat, anorimut asser-sugaasuni pinnguarnissamut aneernissamullu periarfissaqarlutik. Immikkoortut ilaanni sanaartorfintut assigiinngitsunut atasunik silameerujoorfigisinnaasatut killeqarfiit ilanngunneqarnissaat pillugit nunaminertat taakku taamatut atorneqassapput. Aneerfissani issiaarfissat, pinnguarterfiit, sisooaarterfiit sammisassallu allat soorlu naatitsiviit, siaasaarterfiit assigisaallu pilersinneqarsinnaapput.

Illut silataat inissianit toqqaannartumik aniffigineqarsinnaasunik aneerasaarterfeqarsinnaapput salliarnartaqarlutilluunniit. Illoqannginnersat biilit uningasarfiisut, qatserisartut aqquitsaasut assigisaannulluunniit naatsorsuussat aneerfissatut naatsorsuussaangillat, kisianni taakkununga tapertatut ilaati-gut isigineqarsinnaallutik.

Atuarfiit aamma meeqqeriviit eqqaanni nalinginnaasumik pi-umasaaqataavoq aneerfissaqarnissaa quleriit annertussusiat 40-100%-mik annertussusilerlugit. Taamaaliornikkut Nuuummi innuttaasunut pingaarutilinnut - tassa meeqqanut inuusuttu-aqqanullu - ulluinnaat sunngiffiillu pitsaasunik ullutsinnullu naleqquttunik sinaakkutissaqartinneqassapput.

PIUMASAQAATIT:

Nunaminertat sanaartorfiunngitsut siunertanut allanut immikkoortitaanngitsut taamaallaat nunaminertatut ataatsimut atugassatut ilusilerlugillu atorneqarsinnaapput. Inissialiornermi meeqqat pinnguarterfiinut nunaminertaqartitsisoqassaaq. Nunaminertamik atuinissamut agguassineri inissiat atulersinneqannginnerinni pinnguarterfikkil pilersitsisoqarnissaanut piumasaaqartoqarsinnaavoq.

NCD-mi pilersaarutit tamarmik qorsooqqissumik pilersaarummut ilanngussinissamut pisussaaffeqarput, tassa nunap ilusaa pillugu pilersaarut, taannalu naapertorlugu pilersaarusiarsuaq aamma immikkoortumi kusanartuliat aallaavigeqarput. Qorsooqqis-suuneq pillugu pilersaarut kommunalbestyrelsimit akuersissutigineqassaaq nunaminertamillu atuinissamut tunniussinissamut tunngaviulluni.

PILERSAARUT TUNGUJORTOQ


Pilersaarummi tungujortumi siunertarineqartoq tassaavoq, aput aattoq sialummillu kuuk sapinngisamik illoqannginnersakkoortit-tarnissaa. Kuuft pioreersut kusserngillu sanaat assigiinngitsutigut pinnguarnermik siuarsaassapput, tamatumunnga peqatigitillugu pilersaarusiarsuaq naapertorlugu sanaartornermi pingortitaq ersarissuutinneqassaaq.

Tunngaviit


Ermup kuuffii pioreersut annertusarneqarnerisa saniatigut, aqqu-serngit sinerlugit kusserngit suliarineqassapput, taamaalillutimmi sakkortuumik nittaalarlunilu siallilerpat apullu aattulerpat kuuffissaat qulakkeerneqassapput. Kusserngit sivingasuutillugit suliarineqassapput. Aqqusineq illoqarfiup ilaa kaajallallugu ingerlaarfik sinerlugu kuuffiit nalinginnaasuunissaat anguniarneqassaaq, nunamilu pukkinnerusumiittut immikkoortut sanaartorfiunngitsut tungaannut kuuft takisuut kussinikkullu ingerlaartassaaq. Immikkoortuni sanaartorfiusuni illoqannginnersakkullu illoqarfimmi kusassaasoqarnissaanik iluarsisoqassaaq, pinnguarnermittaaq kaammattuisoqarluni.

Imaanut nunamullu ikaarsarneq


Ukkusissamiit aputip aanneranit kuuk ulittarneraniillu imaq atorlugit illoqannginnersaqarfiit assigiinngitsut pilersinneqarsinnaapput assigiinngitsunik atuuffilerlugit, atortulerlugit nunamilu ermup misigineqarnera assigiinngitsuusinnaalluni.



Tak. 7- Titartarneri takisuunut tunngasut, nunap immallu akornanni illoqarfikkut ikaarsaarfik



AATTULERNERMIT TATSIT



Tak. 8 - Titartarneri takisuunut tunngasut, Pilersaarussiaq tungujortoq- nunap qaani engup isumaginera



Tak. 9- Innersuussaq, pingaartumik masarluk



Tak. 10- Innersuussaq, ammanermit imeq



Tak. 11- Aattulernermit tatsit



Tak. 12- Innersuussaq, Tinittarnerani ullittarneranilu tummeqqat- Nunap immallu akornanni ikaarsaarfik

04

ATTAVEQAATIT

Aqqusineq pingaarneq, illoqarfimmi aqqusineq aamma inissiat akornanni aqqusineq
Uninngasarfiit
Aqqusineqqat
Atortut
Eqqagassat

NAALAGAAFFIIT PEQATIGIIT NUNARSUAQ TAMAKKERLUGU ANGUNIAGAAT



Attaveqarneq nunap ilusaa malillugu sanaartorneqarsinnaatillugu sanaartorneqassaaq, taamaaliornikkummi nuna qaarsorlu allanngortinneqarपालासन्नगललत.



Aqqusineeraliortoqassaaq aqqusiorloqarlunilu, taamaattoqarneratigut kikkulluunniit namminneq isumannaatsumillu sukkassusertik atorlugu ingerlaarsinnaallutik.



Kikkunnilluunniit ingerlatsississutinik Siorarsiorfimmu aqquteqassaaq, taamaalillutik meeqqat, inuit innarluutillit kiisalu utoqqaat aamma angalasinnaallutik.

ILLULIORTAATSIMUT POLITIKKI



Illoqarfivut inunnut tamanut illoqannginnersaqassaaq tamatigoortunik pitsaasunik toqqissisimanartunillu

ILLOQARFIIT PINGAARNERSAAT PILLUGU PILERSAARUT

- Imaatigut kabeleqarnikkut internettimik atuineq inuussutissarsiuteqartunut, takornialerisunut il.il. siuarsaassaaq

ATTAVEQAATIT

Aqquserngit, aqqusineeqqat biillu uninngasarfi pillugit naqqutassat suliaasaqarfimmi inatsimmik atuuttumik tunngaveqarput.

Pisuinnaat, sikkilertut, biilertut bussillu eqqarsaatigalugit Siorarsiorfimmi immikkoortut ilaannut nutaanut pitsaanerpaamik aqquserngiornissaq eqqarsaatigalugu aqquserngit qanoq aqqisuunneqarnissaannut pingaarnertut isumaliutigisassat naapertorlugit attaveqarnermut pingaarnertut nunataasoq sanaartorneqassaaq.

Aqquserngit pingaarnertut oqimaatsunit angallaviusartut aqqusineranut pioreersunut toqqaannartumik atassusersorneqassapput. Immikkoortut ilaannut aqquserngiorneq ilaatigut inissiat akornisigut aqqutigisat aqqutigalugit aqqusineranut pingaarnertut atassusersorneqassapput. Uninngasarfiit sanaartorfinnut ataasiakkaanut nunatai tunngavigalugit sanaartorneqarnissaat, imaluunniit illup initaata nalaani biilnut uninngasarfiornikkut sanaartortoqarnissaat isumaliutigineqassaaq.

Sissaq sinerlugu aqqusinissaq imaluunniit sullorsuassaq aqqutaassaaq pingaarneq aqqutigineqarneranilu sukkanerpaamik sukkassuseq 60 km/t. Sissaq sinerlugu aqqusineq qaqqakkut sivingasukkut naleqqussakkamik pisariaqartillugu siumuinnaq ingerlasussamik sanaartorneqassaaq.

UNINNGASARFIIT

Siunertaavoq uninngasarfiit illoqarfimmi illoqannginersani takussaannerpaannginnissaat, taamaammatt pilersaarusiornermi meeqqeriviit, pisiniarfiit, atugassanik pisiniarfiit namminersortullu allallu pisortanit atorineqartut eqqaanni biilit uninngasarfeqarlarnissaat periarfissaassasoq. Umiarsualivik illoqarfimmilu sumiifiit biileqannginnissaat allanillu qamutinik motoorilinnik peqannginnissaat kissaatigineqarpoq. Uninngasarfiit, nioqqutissanik niooraasarfiit inunnulu innarluutilinnut unittarfiit siunertaannut pissusissamisortumik inissineqassapput.

Tunngavik

Biilit uninngasarfiit 'kaasarfiusaniissinnaalluarput' taamaaliornikkut illuliat ataasiakkaat akornanni illoqannginersani biilnut uninngasarfiit amerlanerpaat pinngitsoortikkumallugit. Illuni inini allerni biilnut uninngasarfinnik pilersitsisinnaaneq aamma periarfissaqartinneqarpoq, naapertuutsillugu nunamik sivingasumik atorluanaanikkut. Uninngasarfiit killeqarfii inuinnaat inuillu amerlanngitsut inissiaqarfiillu akornanniinnissaat innersuussutigineqassaaq.

AQQUSINEEQQAT

NCD-mik ilusilersuinermit aqqusineeqqat tunngavioarput, taamaattumik sissaq sinerlugu aqqusineeraq Siorarsiorfimmitt aamma Qinngutta sinneranut attaveqaataassaaq pingaarneq, taamaalilluni illoqarfiup immikkoortuani atuarfinnut meeqqerivinnullu aqqusinermit angallanneq toqqissisimanartoq qulakkiisallugu.

Tunngavik

Aqqusineeqqat tassaasinnaapput nuna aqqutigineqartuutussaq imaluunniit nunap ilaa ulorianarunnaarsarlugu sanarfisaq. Aqqusineeqqat pingaarnertut - tassunga ilanngullugu sissaq sinerlugu aqqusineeraq - qallerlugu qullilersorlugu suliarineqartusatur takorloorneqarpoq, ukioq naallugu ulloq unnuarlu toqqissisimanartumik angallaffiusinnaaqullugit.

ATORTUT

Attaveqaatit tassaapput aqquserngit aqqusineeqqat illoqannginersallu. Atortuuteqarneq minnerpaaffianiitineqassaaq, ilaatigut pilersaarut pingaarneq tamaat aqqutigalugu ataqtigiis-saakkanik atortoqartitsisoqassalluni.


PIUMASAQAATIT:

Kommuneqarfik Sermersuumi malittarisassat atuuttut naapertorlugit eqqagassalerineq aqqqissuunneqassaaq. Eqqaaveqarfii, containerit ungalulersukkat imaluunniit eqqakkanut atortut illuni siunissami atugassani eqqagassalerisoqartassaaq.

Aqquserngiornissamut aamma Nuummi eqqaanilu atortut ilanngullugit suliarineqarnissaannut pilersaarusiornermi, maleruagassap, naleqqiuguk "Nuummi aqqusinermit pilersaarusiornernut ilitersuut, saqqummersinneqartut sisamassat 2008" atorlugu malinneqarnissaa tunngavigineqassaaq, aammali sanaartorfiusut killeqarfisa agguataarneri eqqarsaatigineqassasut, naleqqiuguk kapitali 6. Aputaajaaneq nunaminertallu aputikunut atortut immikkoortuni sanaartorfiusunilu nutaani ilanngunneqarnissaat isumaliutigineqassapput. Aputaajaanermi aputit piiakkat immikkoortumi ulluinnarni akornutaassanngillat

Aqqusineeqqat pilersaarusiornermi ilanngunneqassapputtaaq, kisiannili aamma "kapitali 4-mi qorsooqqissut pillugit pilersaarummut." ilaatinneqarlutik.

Kommunimut pilersaarummi Kommuneqarfik Sermersuup malittarisassai atuuttut naapertorlugit biilnut uninngasarfiit sanaartorneqassapput.



- illup quleriiusup eqqaani

- arlalikkuaanuat sanaartukkat eqqaani

- uiguleriit eqqaani

- illoqangginnersani

Atsiorneq pillugu nassuiaat

■ Uninggaartarfiit ■ Aputaajaanermi aputinut kueraavik

Tak. 13 - Diagram, Uningasarfiit aputinullu kueraaviit pillugit tunngaviit

AQQUSERNGIT



Asfaltimik aqqusineq - aasakkut



Asfaltimik aqqusineq - ukiukkut



Sineriak sinerlugu aqqusineq

AQQUSINEEQQAT



Betonimik aqqusineeraq



Qisummik aqqusineeraq



Aqqutiguarlugu aqqusiaq

ILLOQARFIMMI ILLOQANGGINNERSAT




Beton



Qisuit



Qarsut



Savimineq

Tak. 14- Aqquserngit, aqqusineeqqat illoqangginnersallu eqqarsaatigalugit atortut

05

SANAARTUKKAT

Atorneqarnera

Inuinnaat killeqarfii, ataatsimoorfiit killeqarfii, tamat killeqarfii silamilu illoqannginnersaqarfiit

Ammasumi pukkitsumilu inissialiat

Eqikkarlugit pukkitsumi sanaartorneq

Quleriinnik sanaartorneq

Inissiaqarfinni nunaminertat sanaartorfiunngitsut

Qaamaneq, alanngortat isikkivillu

Najugaqarfiit portussutsillu

NAALAGAAFFIIT PEQATIGIIT NUNARSUAQ TAMAKKERLUGU ANGUNIAGAAT



Siorarsiorfimmi sanaartornermi kikkulluunniit illullu portussusaat qanoq ikkaluarpataluunniit qaamaneqarluarnissaat eqqarsaatigineqassaaq, taamaalillutimmi sanilerisat silamiittullu aamma eqqarsaatigineqarniasammata



Inissialiat tamarmik ullutsinnut naleqquttuussapput aamma pisariaqartitanut piumasaqaatinullu naleqqussagaassallutik.



Siorarsiorfimmi sanaartorneq sapinggisamik atortutigut teknologiikkullu pijuartitsisunik atuinisaaq pingaartinneqassaaq.

ILLULIORTAATSIMUT POLITIKKI



Illut nutaat illoqannginnersallu oqaluttuarisaanitsinnik pisuunnguallatsitsinissamik toqqammaveqassasut



Inoqarfiit pilersaarusiiffigineri ineriartortitsiiffiginerilu inoqarfiit ilisarnaataannik toqqammaveqassasut



Illoqarfitta nunaqarfittalu tamatigoortuulernissaat, pitsaasunik toqqissimanartunillu kikkunnulluunniit atuuttunik illoqannginnersaqarnissaat



Illut sanaartukkallu nutaat sumiiffiup pitsaassusiinik qaffassaasuunissaat, piffissaq atuuttoq eqqumaffigineqassasoq, piffissarlu qaangiutereersoq siunissamilu pisussat ataqqineqassasut

ILLOQARFIIT PINGAARNERSAAT PILLUGU PILERSAARUT

- Kommunip taperseruinerata ataasiakkaallu imminnut akisussaaffiginerisa akornanni oqimaaqatigiinneq piussaag (inissiat kommunimit tapersiiffigineqartut namminersortullu pigisaat pilersinneqassapput).
- Ilisimatusartut ilinniartullu avataaneersut amerlanerusut pilerinarsaavigineqassapput (inissiat pilerinartuussapput)

SANAARTUKKAT

ATORNEQARNERA

Sanaartorfissat kommunimut pilersaarummut tapiliussami nalu-naaqtusersugaapput, taakkunanilu tassa illuliortoqarsinnaavoq. Aqqusinernut pingaarnertut nunataq najoqqutarineqarpoq. Immikkoortuni ataasiakkaani teqeqqut illullu takissusaat illoqarfiup qeqqani, illoqannginnersani, inuit amerlanngitsut katersuuttarfianni, illoqannginnersani qeqqani, isikkiveqarnermi assigiinngitsutigullu pingaaruteqartutut inissisimapput.

INUINNAAT KILLEQARFII, ATAATSIMORFIIT KILLEQARFII, TAMAT KILLEQARFII SILAMILU ILLOQANNGINNER-SAQARFIIT

Illut akornisigut uninngaarfiiit uummaarissuseqarnissarlu kommunimit kaammattuutigineqarmata, inuinnaat, ataatsimoorfiit tamallu killeqarfii aamma suliami illoqannginnersaqarfiit inner-suussutigineqartut assersuutillu arlallit matumani takussutissirineqarput. Akornusersorneqarani inuusinnaanerup tamallu ornittagaqarsinnaanerata akornanni eqqortumik oqimaaqatigisinissaq pingaaruteqarpoq. Aappa aappaanut pitsaasumik suniuteqartassaaq illoqannginnersallu ilagimmagu pitsaassutsimik tunniussaqtassalluni. (Tak. 15)

Sanaartukkat silataanni nunaminertaqarnikkut immikkoortup pitsaassusaat immikkuullarissusaallu nukittorsassavai, ataqatigiissumillu pilersitsinissaq anguniarneqassalluni. Uninngaarfiiit imaluunniit silami pequtinik inissiinernut il. il. tunngatillugu tassaasinnaavoq aneerasaartarfeqarnek, qorsooqqissuuneq, nunaminertat patajaatsut.

AMMASUMI PUKKITSUMILU INISSIAT SANAARTUKKAT

Ammasumi pukkitsumilu inissiat paasineqassaaq ilaqutariinnut ataatsinut ilaqutariinnut marlunnut/affarleriit annerpaamik quleriit marluk. Ilaqutariinnut ataatsinut inissiaq inissiaavoq ataseq ilaqutariinnut marlunnut/affarleriit inissiaapput marluusut.

Ammasumi pukkitsumilu inissiaqarfimmut agguanneqarsinnaavoq naatsiivik, aneerasaartarfik ammasoq assigisaaluunniit annerpaamik 50 m²-isut angissusilik inissiamut atasoq. Naatsiiviit ungaluneqarsinnaapput annerpaamik 1,2 meterisut portutigisumik.

Inissiamut ataatsimut atasumik biilinuut uninngatitsivimmik, carportimik, quimik, naatitsivimmik, ukiuunerani naatsiivimmik, aneerasaartarfik quilisamik assigisaanilluunniit pilersitsisoqarsinnaavoq ataatsimut 30 m²-isut angissusilimmik, sumiiffimmut sanaartornermi malitassani ungasissutsimut piumasagaatit malinneqarpata.

EQIKKARLUGIT PUKKITSUMI SANAARTORNEQ

Eqikkarlugit pukkitsumi sanaartorneq ima paasineqassaaq illut uigulukuttut, ataatsimoorfiit kipparissullu portussusaat pingasunik quleriillit tikillugit.

Eqikkarlugit pukkitsumi inissialiornermut tunngatillugu kommunimi pilersaarutip aalajangersagai naapertorlugit, nunaminertamik naatsiivimmut, aneerasaartarfik ammasumut assigisaanullu annerpaamik 25 m²-isut angitigisumik inissiamut toqqaannartumik atasumik agguassaasinaavoq.

Uiguleriit sukumiisumik naliliisoqareerneratigut sanimukartumik pigisanut killilimmik sanaartorneqarsinnaapput.

INISSIAT QULERIIAAT

Quleriiaannik inissialiornermi ima paasineqassaaq, kipparissut imminnut atasut, takisuut amitsut, blokit pingasunik amerlanerusunilluunniit quleriillit.


INISSIAQARFIMMI INISSIAT AKULERIIT

Inissiaqarfimmi inissiat akuleriit ima paasineqassaaq, immikkoortumi ammasumi pukkitsumilu, eqikkarlugit pukkitsumilu aamma quleriiaarlugit inissialiat.



Immikkoortumi atuinermut periarfissaappat naapertuuppallu, aamma immikkoortut ilaanni ataasiakkaani ataatsimut inissiasuseq attanneqarsinnaasoq kommunalbestyrelsimit isumaqarfigineqarpat, akuleriillugit inissialiornermut nunaminertanik atuisitsisoqarsinnaavoq.

INISSIAQARFINNI NUNAMINERTAT SANAARTORFIUNNGITSUT



Nunaminertat sanaartorfiunngitsut siunertanut allanut immikkoortitaanngitsut taamaallaat nunaminertatut ataatsimut atugassatut ilusilerlugillu atorneqarsinnaapput. Inissialiornermi meeqqat pinnguartarfiinut nunaminertaqartitsisoqassaaq. Nunaminertamik atuinissamut agguassaasinermi inissiat atulerinneqannginneranni pinnguartarfinnik pilersitsisoqarnissaanut piumasagaartoqarsinnaavoq. Nunaminertat sanaartorfiunngitsut atorneqarnissaannut Kommuneqarfik Sermersuumi umiatsianut inaalitsiviit pillugit malittarisassaqlunilu ileqqoreqqusaqarpoq qaqugukkulluunniit atuuttut. Nunaminertamik atuinissamut agguassaasinnikkut containerinik inaalitsinermut aalajangersagaq iluarsineqassaaq.




Uiguleriit killeqarfii



Arlalikkuaat killeqarfii



Quleriit killeqarfii



Atsiorneq pillugu nassuiaat

- Inuttut nammineq
- Amerlanngitsukkuutaat- inuit
- Amerlanngitsukkuutaat- pisortat
- Tamanut

Kal. 15- Diagram, Sanaartorfinni killeqarfii

QAAMANEQ, ALANNGORTAT

Inissiat immikkoortut tamarmik qaamanermik anguneqarsinnaanissaat siunertaavoq, aamma pukkinerpaani quleriillit ilanngulugit, nunataa allanngortinnagu inissiat pissusissamisoortumik inissinneqarnissaat qulakkiissallugit kiisalu seqerngup qinngornera illup qaliata toqqaannartumik alanngissanngilaa. Taamaammat nunatap allanngortissimanngisap atorluarnissaanut kiisalu inissiat silamilu illoqannginnersat seqerngup qinngorneranit qaamaneqarluarnissaannut illut qaliisa killilimmik ator-neqarnissaat qulakkeerniarlugit malittarisassaliortoqassaaq.

Tungavik

Inissiat qaamasumiinnissaat pingaarnepaavoq. Ataani piumasaqaatitut allaqqasut malinneqarpata ima kinguneqassaartaaq, illut silataat aamma inuinaat, pisortat inuillu amerlanngitsut ornittagaat seqinnertumiittassapput.

ISIKKIVIK

Inissiat immikkoortuinit imaanut isikkiveqarnissaq siunertaavoq. Taamaammat nunatap allanngortissimanngisap atorluarnissaanut kiisalu inissiat silamilu illoqannginnersat seqerngup qinngorneranit qaamaneqarluarnissaannut illut qaliisa killilimmik ator-neqarnissaat qulakkeerniarlugit malittarisassaliortoqassaaq.

Tungavik

Inissiat tamarmik isikkiveqarnissaat qulakkeerneqassasoq pingaarnepaavoq. Ataani piumasaqaatitut allaqqasut malinneqarsinnaappata, kikkut tamarmik isikkiveqarnissaat qulakkeerneqarsinnaavoq.

NAJUGAQARFIIT PORTUSSUTSILLU

Sanaartukkat inissiaqarfiillu nutaat sanaartorneratigut inissianik assigiinngitsunik ilusilinnik pilersitsiffiussapput aammalu illoqarfiup ilaa tamatigoortoq pilersinnissaanut najugaqariaatsitigut akuleriit pilersinneqassallutik.

Tungavik

Illut najugaqarfigineqarnerisa illut timitai inissiaqarfiillu ataasiakkaat allanngorartuusinnaapput taamaallutillu assigiinngitsuunis-samat piumasaqaatinut pisariaqartitsinernullu naapertuullutik.

PIUMASAQAATIT:

Killeqarfiit:


NCD-mut pilersaarusianni inissiat pillugit pilersaarusiormi assigiinngissusaanni killeqarfilerlugit aggulunneqassapput, ilaatigut pitsaanerpaanik inissiaqarfinnik qulakkeerninnissamat uninngaarfigisinnaasat qitiutillugit.

Inissiaqarfinni kipparissunik sanaartornermi inuit kikkulluunniit aqqusineerassaat ilanngunneqassaaq, inuillu ikinnerusut silami sumiiffigisinnaasaata tungaannut ungalulersuisoqassanngilaaq imaluunniit matoqqatinneqassanngilaaq.


Illut silataanni nuna sanaartorfiunngitsoq najugaqartut aamma atuisut pisariaqartitatik kissaatitillu naapertorlugit suliarisinnavaat, minnerpaamilli aneerfigisinnaaneri pitsaanerpaanngortillugit soorlu seqiner-mut sammillutik oqquartaallutillu. Aneerfissat angissusiat pivallaarnagu pitsaasuunissaat pingaartinneqarneruvoq.

Qaamaneq aamma alanngortat:



NCD-mut pilersaarutitigut inissiat isikkivigissut pilersinneqarnissaat qulakkeerneqassaaq, aammali inissiat qaamanermiilluarnissaat qulakkeerneqassalluni. Qaamanertalimmik takussutissialiornikkut tamanna uppenarsarneqassaaq.




Tak. 16- Diagram, Inissiat tamarmik qaamaneqarluarnissaat qulakkeerniarlugu sanaartorfiit inissilluarneqassapput




Tak. 17- Diagram, kikkut tamarmik isikkiveqarnissaat qulakkeerniarlugu sanaartorfiit inissinneqassapput.



Tak. 18- Assersuut, illut najugaqarfigineqarnerini nikerartut



Tak. 19 - Diagram, arlalikkuutaanut sanaartornermi quleriit assigiingitsuuneri. Sanaartorfimmi ataatsimi portussutsit assigiingitsuutinneqarsinnaaneri periarfissaavoq.



Tak. 20 - Diagram, Quleriinnik sanaartornermi assigiingitsuuneriit quleriillu assigiingitsuuneri.





06

INISSIONALIAT ISIKKUI

Illup silataatut atortut
Aneersaartarfiit
Illup qaavi
Sukarsuit toqqaviillu

NAALAGAAFFIIT PEQATIGIIT NUNARSUAQ TAMAKKERLUGU ANGUNIAGAAT



Seqerngup qinngorneranik tigooraassutit, seqinisaatit assigisaallu illuni ataasiakkaani atorneqassapput



Siorarsiorfimmi sanaartornermi atortut nalinginnaasut aamma/im-aluunniit atoqqissinnaasut atorneqarnissaat pingaartinneqassaaq, tassa silaannaq illersorniarlugu.

ILLULIORTAATSIMUT POLITIKKI



Illut nutaat illoqannginersallu oqaluttuarisaanitsinnik pisuunnguallatsitsinissamik toqqammaveqassasut



Inoqarfiit pilersaaruserfigineri ineriartortitsiffiginerilu inoqarfiit ilisarnaataannik toqqammaveqassasut



Illoqarfitta nunaqarfitalu tamatigoortuulernissaat, pitsaasunik toqqissimanartunillu kikkunnulluunniit atuuttunik illoqannginersaqarnissaat



Illut sanaartukkallu nutaat sumiiffiup pitsaassusiinik qaffassaasuunissaat, piffissaq atuuttoq eqqumaffigineqassasoq, piffissarlu qaangiutereersoq siunissamilu pisussat ataqqineqassasut

ILLOQARFIIT PINGAARNERSAAT PILLUGU PILERSAARUT

- Nuup pitsaassusai ilisarnaataalu pitsanngorsassapput: tamatigoortoq, kusanartoq pilerinartorlu, peqqinnartoq toqqissisimanartorlu, eqikkarsimasoq uummaarissorlu, imaanut qanittoq, illoqannginersani sammisassaqarfusooq uninngaarfeqartorlu, pi-juartitsisoq silaannarmullu naleqqussagaq, nunap ilusaanut naleqqussagaq.

INISSIALIAT ISIKKUI

Sanaartorfiup inissisimanera sanaartorfissat ataasiakkaanut pilersaarusioneqassaaq, taamaaliornikkut sanaartukkat silataat avatangiisinut pitsaasumik sunniuteqarniassammata sanaartukallu ilusaannut, illussanik titartaanermut, atortutigit qalipaattillu eqqarsaatigalugit tamakkiisumik atulernissaa anguneqassammat.

ILLUP SILATAI

Illut silatai atortuussapput nalinginnaasut aamma/imaluunniit atorneqaqqissinnaasut, soorlu ujaqqat, qisuit, savimerngit, betonngi aamma igalaaq. Sanaartukkanut nutaanut illut silataanni atortutut atugassanik toqqaanermi, atortut qaavaniissinnaaneri, avatangiisai, piujuartitsineq qalipaataalu pingaartinneqassapput. Illup silataata qalialatu atortui qaamanermik inngianassanngillat.

Tunngavik

Illuliornermi kusanartuliortaatsit assigiinngitsut anguneqarsinnaapput ilaatigit ersarissunik narlorissunillu illut ataasiakkaat silatai allanngorartut agguataarnerisigut. Tamatuma saniatigit illut ataasiakkaat agguataarneri ikinnerpaamik marlunnik nikerartunik erseqqissarneqartassapput, illuliortaatsikkut kusanartulianik sunniuteqarluartunik malitsilinnik: illup silataata portussusaa, takuneqarsinnaanera, qalipaataa, atortui igalaallu angissusii.

Matumani siunertarineqarpoq sanaartuqaq immikkoortunik mikerusunik katitigaanissaa, ilaatigullu sukut tamaana portoqatigiillutik. Ilusilersugaasut nikerarnerini, assersuutigalugu inip na-laata ilusilersorneri niaqqup portoqataani inissisimapput. Illup silataani ilassutitigit millisakkullu isaariaqalernissaanut pilersitsisinnaapput, oqquisarfeqalersitsillutik, uninngaartarfisamat inissaqartitsilerlutik, sakkunut uninngasuuteqarfeqalersitsillutik, kiisalu sikkilinet aneerussivinnullu il. il. uninngasarfeqalersitsillutik.

ANEERASAARTARFIIT

Illu illup ilusaa, immikkuualuttortai il.il. eqqarsaatigalugit aneerasaartarfiliortoqarsinnaanersoq illussanik titartaasartut tigus-saasumik naliligassaraat. Taamaattumik illup inissisimaffianik,

PIUMASAQAATIT:

Illut pitsaalluinnartumik nalinginnaasumik kusanartuliarineqarsimassapput atortuulu pitsaasuullutik. Inissiat nutaat imminnut atasut angissutsimikkut assigiinngitsuussapput immikkuualuttuulu eqqarsaatigilluagaallutik.

Eqqaamiut saneqquasullu eqqarsaatigalugit illut silataasa iigai qinngorneqarluatik inngiartuussanngillat.

Illut isui allamut attuumannngitsut matumik igalaartalimmik ammarsinnaasumik silatilersorneqassapput, assersuutigalugu aneerasaartarfimmut, ilannguteriigaq imaluunniit ikkussaaq, illumullu kusanartuliamik qaavatiq ataqatigiissumik isumassarsiaqartillugu. Illup silataata qalipaatai pinngortitamut avatangiiserisamat aamma illunut eqqaaniittunut ataqatigiittut suliarineqassapput.

Aneerasaartarfii sanaartornerini nunap iluanut ataneri 1,2 m qaangerlugit ikkusimaqqusaanngillat, aneerasaartarfiliu illup ilusaanut, balkonimut atatinneqassappat, sukumiisumik nalililneq apeqqutaassaaq.

Illup qaava illup silaata tallimaattut isigineqassaaq sivinganeralu ilusilersorneqassalluni minnerpaamik 10 gradinik.

Nunami manivinngitsumi illut nunamut tunnganeri qanoq issanersut isummerfigineqassapput. Illup silataasa, sukarsuisa nunallu akunneri illuliorluni kusanartuliornermi eqqarsaatigilluagaassapput, pilersaarusiarsuarmi takorluuqaq naleqqiuguk.

titartarneqarneranik, tarrartanittarneranik isigineqarsinnaaneranillu pingaarnertut eqqarsaatiginnittoqartarpoq.

Tunngavik

Aneerasaartarfii ataatsimoortumik nalililneq malillugu ilusilersorneqassapput, taamaalluni illup silataa, kusassarneqarnera, qummut sanimullu titarneri illup isikkua taamaatsiinnarnissaa eqqarsaatigineqarluatik. Tamanna aamma aneerasaartarfii amerlassusiannut aalajangiisuvoq.

ILLUP QAAVI

Illup qaava illut silataasulli pingaaruteqartigaq, pissutigalugu ilaanni silamiittarnermi atorluarneqarsinnaagamim imaluunniit illut eqqaaniittunut isigisassaalluni. Taamaattumik pingaaruteqarluinnarpoq silaannarissarfii, elevatorit, pujoorfiit assigisaallu sanaartugassap illussap titartarnerani ilanngunneqarnissaat.

Tunngavik

Seqerngup qinngorneranik katersuissutit, seqerngup kissaanik katersuissutit assigisaallu atorneqarsinnaapput, taamaattoq illup qaavata silataataluunniit ilaattut ikkunneqarsinnaasariaqarput, eqqaaniittunullu sanioqquttartunullu inngianartuussanngillat.

SUKARSUIT TOQQAVILLU

Illut timitaasa nunamut manissuinnannngitsumut ataneri eqqarsaatigalugit sanaartukkat nunami qanoq misinnarnerisut pingaaruteqarpoq.

Tunngavik

Illup sukarsuisa silataasalu suliarinerini illup timitaasa sumiiffigisaatalu, tassa illut inissisimaffii eqqarsaatigalugit, akornanni illup kusanartuliarineqarneratut ataqatigiinnerat takuneqarsinnaassaaq. (Tak. 22)

Illup silataa



Silataata ilusaa



Tak. 21- Qalipaait aamma/imaluunniit inissiat akornanni atortut assigiingitsuuneri aamma illut silataasa nikeraneri nikittarnerilu assersuusiaralugit



Tak. 22 - Illup nunamut atanera



Tak. 23 - Innersuussaq, illut portussusaat, qalipaataat atortuilu assigiingitsut

07

ILLOQANNGINNERSAT - TUNNGAVIIT

Illoqannginnersani pequtit
Qaamaneqarnermut tunngaviit
Naasulersuineq

NAALAGAAFFIIT PEQATIGIIT NUNARSUAQ TAMAKKERLUGU ANGUNIAGAAT



Siorarsiorfimmi illoqannginnersaqarnikkut attaveqarnikkullu immikkoortumi isumannaatsumik angalanissaq qulakkeerneqassaaq. Illoqannginnersaqarfiit angallaffiussanngillat.



Siorarsiorfimmi illoqannginnersaniissapput atuuffiit sammisassaqaarfiillu assigiinngitsut, kikkunnillu tamanik peqataatitsiffiillunilu tikinneqarsinnaassaaq.



Siorarsiorfimmi illoqannginnersat sumiiffiup ilusaanik aallaaveqartinneqassaaq, taamaalillunimi silaannaap allanngoriartornissaanut sunniutit annikillissavai.



Illoqannginnersat nunap piinik naasunik peqartinneqassaaq, taamaalilluni sumiiffimmi uumassuseqarneq nukittorsarneqassaaq kalaallilu naasuutaat atugaqartinneqarlualutik.

ILLULIORTAATSIMUT POLITIKKI



Illut nutaat illoqannginnersallu oqaluttuarisaanitsinnik pisuunnguallatsitsinissamik toqqammaveqassasut



Inoqarfiit pilersaarusiordfigineri ineriartortitsiffiginerilu inoqarfiit ilisarnaataannik toqqammaveqassasut



Illoqarfitta nunaqarfittalu tamatigoortuulernissaat, pitsaasunik toqqjissimanartunillu kikkunnilluunniit atuuttunik illoqannginnersaqarnissaat



Illut sanaartukkallu nutaat sumiiffiup pitsaassusiinik qaffassaasuunissaat, piffissaq atuuttoq eqqumaffigineqassasoq, piffissarlu qaangiutereersoq siunissamilu pisussat ataqqineqassasut

ILLOQARFIIT PINGAARNERSAAT PILLUGU PILERSAARUT

- Ineriartortitsineq illersuinerlu oqimaatigiissapput.

ILLOQANNGINNERSAT - TUNNGAVIIT

ILLOQANNGINNERSANI PEQUTIT

Pinnguarterfiit issiaarfillu, nerriviit issiaviillu, eqqaaviit kikkut tamarmik atugassaat, qaannanut inaalitsiviit, sikkilinit inissiiviit, eqqumiitsuliat

Tunngavik

Pinnguarterfinit inissat manngertuullutillu aqitsuussapput. Immikkoortuni kikkulluunniit ornigarfiini pinnguarterqarternera toqqissisimanermik inunillu ornigarterqarterneranik pilersitsisarpoq.

QAAMANEQARNERMUT TUNNGAVIIT

Ukioq kaajallallugu, pingaartumik qaammatini taarneruffiusumi, illoqarfimmi isumannaatumik toqqissisimanartumillu ingerlaar-toqarsinnaassaaq.

NCD-mi ineriartortitsivinni qulleqarnermut periusissiaq Nuup sinneranut tunngatillugu assingaa, atuuffeqarnerisa saniatigut qulleqarneq eqqarsaatigalugu angallaffinni pitsaasuusaaq isumannaatsuullunilu, aammali ullukut unnukkutulli iluarinartumik atuuffeqassaaq.

Illoqarfik misigisassaqaarfiussaaq sumiiffinnilu aalajangersimasuni pinngortitap, illoqarfiup imaluunniit illuliatut kusanartuliat eqqumiitsuliatigullu pitsaassutsit ersarissarniarlugit qulleqartitsisoqassalluni.

Tunngavik

Qulleqarneq pillugu periusissiaqarnikkut 'smartcity' isumaliutigineqarsinnaavoq, assersuutigalugu aalasunut malussarissut il. il.

NAASULERSUINEQ

Illoqarfimmik ineriartortitsinermi naasoqarneq pingaartinneqassasoq kommunimit eqqarsaatigineqarluarpoq. Pinngortitaq naleqquttuussasoq pukkitsuussasorlu, ivigaaqqat naasullu pilersinneqarnissaat ersarissuutinnissaallu tunngaviatigut aallaavigineqassapput. Taamaattumik kalaallit naasui assigiinngitsut pitsaasunik atugassaqartinneqarnissaat sulissutigineqassaaq.

Tunngavik

Naasulersuinermit, kingornalu isumagineqarnerinut tunngatillugu, kulturimut tunngasuunerisut kaammattuutigineqassapput, pissutigalugu qorsooqqissumik pilersitsinissamut siunertat pinngortitaminnermik misigisaqartitsilluartarmat pinngortitarlu aallaavigineqarluarluni- aamma illoqarfiup ilaani nutaami.

PIUMASAQAATIT:

Qaammaqutit:

NCD-p immikkoortuini ineriartortitassani qulleqarneq eqqarsaatigalugu aqqusineq pillugu inatsit atuuttoq naapertorlugu minnerpaaffeqarnermut piumasaqaataasut malinneqassapput. Illoqannginnermanut tunngatillugu pilersaarusiormi qulleqarnermut pilersaarut suliarineqassaaq.

Illoqannginnermani aqquserngit qulliinit qullernillu allanit illut silataanut eqqaaniittunut sakkortuumik qulleqarnikkut akornutaassanngillat.

Atortuusivinni qullernik atuinerit tamarmik LED-mik atuineri "qaamaqqissaartumik" atuisoqarnissaa pisariaqarpoq.

Atortuusiviit inisissimaffii qanoq ittuunissaalu matumani qulleqarneri ilanngullugit saniliusunut akornutaassanngillat.

Naasoqarneq:

Nunami issittumi naasoqarneq pingaartillugu illoqarfiup qeqqani illoqannginnermani sukumiisumik pilersaarusiormik NCD-kkut pilersaarusiormi pisussaaffeqarpoq.



Tak. 24- Innersuusaaq, Naasoqassutsit sinaakkusersorneri- illoqarfimmi nunap ilusaa suliarisaaq




Tak. 25- Innersuusaaq, illoqannginnersamiittarneq sammisaqarnerlu



Tak. 26- Innersuusaaq, illoqarfimmiinneq sammisaqarnerlu



Tak. 27- Illoqannginnersani portusuut Tak. 28- Qallersukkani qullilersuinerit narlorissut



Tak. 29 - Illoqannginnersani sukarsuit pukkitsut issusuut





08

EQQUMIITSULIAT



EQQUMIITSULIAT

EQQUMIITSULIAT

Illoqarfiup ilaani nutaami kinaassutsimik nukittorsaasumik katersuuffeqarnissaa kommunimit siunertarineqarpoq, ilaati-
tigullu najugaqartut eqqarsaatigalugit kusassarneqarsimallutillu
eqqumiitsuliaqassapput. Umiarsualivimmi illoqannginnersami
eqqumiitsuliaqarsinnaavoq, aammali nunap ilusaanut atasumik
illuliorfigeqqusaanngitsunilu eqqumiitsuliaqarsinnaalluni.



Tak. 30 - Innersuussat, illoqarfimmi uninngaarfinni kusassaanerit



Tak. 31- Innersuussaq, isikkivillit katersuuffillu



Tak. 32- Innersuussaq, ujaqqanik kusassaanerit